

欽定大清會典事例

欽定大清會典事例卷一百二十

吏部

處分例 海防

海防○康熙十一年題准○凡官員兵民私自出海貿易及遷移海島蓋房居住耕種田地者皆拏問治罪該管州縣知情同謀故縱者革職治罪如不知情革職永不敘用該管道府各降三級調用總督統轄文武降二級留任巡撫不管兵馬降一級留任文武官員有能拏獲本汛出界姦民者免罪拏獲別汛出界姦民十名以上

者紀錄一次。百名以上者加一級。督撫統轄全省。道府管轄數州縣。該管地方文武官員拏獲。或被兵民拏獲者。督撫道府皆免議。至道府所屬之人出界。如被上司拏獲。或非本汛係別處拏獲者。仍照定例處分。督撫亦照此例。如將違禁出海貿易之人。不行舉首。反以外海作為內地。或為隱匿。或擅給印票。往來偵探。通商漂海。皆革職提問。其轉詳並未經查出之道府。各降三級調用。總督降二級留任。巡撫降一級留任。其出界曬鹽者。亦照出界例處分。○又題准海

賊殺劫鄉莊民人。地方文職州縣官。與同城知府等官。各罰俸一年。該管同城道員。罰俸六月。照案緝拿。○十二年題准。在洋行走之盜船。經過地方各官。並買貨物之地方各官。知船經過。縱其行走者。革職。不知者免議。○又議准。官員奉遷沿海居民。將不應遷之民。妄遷。應遷之民。不遷者。革職。如未遷民之先。不報上司。或安插遷民。稱地窄田稀。無可撥給者。各罰俸一年。○十五年議准。姦商於逆賊接壤處所。將硫磺焰硝等物。販賣與賊。不論官兵民人。皆拏問治罪。

妻子家口入官。該管官知情故縱者。以同謀論。亦拿問治罪。其不知情者。州縣官革職提問。府道各降五級調用。督撫降三級留任。將鹽布等物販賣與賊者。販賣之人及知情故縱之該管官。皆照販賣硝磺例治罪。其不知情者。州縣官革職。府道各降三級調用。督撫降一級留任。若將由本汛販賣之人盤獲。其該管文武各官免罪。拿獲之官議敘。十名以上者。紀錄一次。二十名以上。紀錄二次。三十名以上。紀錄三次。四十名以上。紀錄四次。五十名以上。加一級。百名以

上者加二級。若不係本汛地方。於別汛盤獲販賣之人。十名以下者。紀錄一次。十名以上者。加一級。二十名以上。加二級。三十名以上。加三級。四十名以上。加四級。五十名以上者。不論俸滿。先行升用。百名以上者。越升一級。即用。至於盤獲一人。審時供出夥黨。係由捉獲犯人。審出。該管官免治罪。儻若誣拏良民。將誣拏之人。照例反坐。○又議准。違禁將焰硝硫磺軍器等物。私載在船。出洋貿易者。仍照例處分。防守地方。該管官員。通同知情縱放者。亦照律治罪。如不知

情者專汎官革職兼轄官降四級調用統轄官降二級留任督撫降一級留任○二十三年題准山東江南浙江廣東各海口除夾帶違禁貨物仍照例治罪外商民人等有欲出洋貿易者呈明地方官登記姓名取具保結給發執照將船身烙號刊名令守口官弁查驗准其出入貿易○三十三年議准內地商人往外國貿易原坐去船損壞更換船來者到關時稟明地方官並海關監督驗看相符准其進關如坐去船不曾損壞竟造船帶來或暗帶外國之人偷買違

禁之物者。海關監督並防守海口地方官不行  
查出。皆降一級調用。○四十二年覆准。出洋海  
船。止許用單桅。樑頭不得過一丈。舵水人等不  
得過二十名。取魚不得超出本省境界。未造船  
時。先行具呈州縣。該州縣詢供確實。取具澳甲  
戶族里長鄰佑當堂畫押保結。方許成造。造完  
報縣驗明印烙字號姓名。然後給照。其照內仍  
將船戶舵水年貌籍貫開列。以便汛口地方官  
弁查驗。如有違例。將給照之州縣降二級調用。  
加級紀錄不准抵銷。

今改為如有曾經為匪之  
人。改行給照。知情者。加級



記錄不  
准抵歸船戶舵水人等如有越數多帶或詭名

頂替者。汎口文武官員。盤查不實。亦降二級調

用。

今增為若汎口無委員者將該關吏役治罪仍將失察吏役之該管官罰俸一年

有夾帶焰硝硫磺釘鐵樟板等物接濟姦匪者。

其取結之州縣官。汎口盤查之文武官弁皆革

職。如係賣放者。革職杖一百。流二千里。其內港

取魚五六人之小船。不在此例。○又覆准商賈

船許用雙桅。其樑頭不得過一丈八尺。舵水人

等不得過二十八名。其一丈六七尺樑頭者。不

得過二十四名。一丈四五尺樑頭者。不得過十

六名一丈二三尺樑頭者不得過十四名於未  
造船時亦具呈該州縣取供嚴查確係殷實良  
民親身出洋船戶取具澳甲里族各長並鄰佑  
當堂畫押保結然後准其成造造完該州縣親  
驗烙號刊名然後給照照內將在船之人詳開  
年貌履歷籍貫以備汛口查驗其有樑頭過限  
並多帶人數詭名頂替以及汛口盤查不實賣  
放者罪名處分皆照漁船加一等惟夾帶違禁  
接濟物件其罪名處分與漁船一例其有謀利  
之富民自造商船租與他人及寒薄無賴之人

租船者失察之州縣官罰俸一年。明知造船受租而容其造者降二級調用。又如隔縣別府外省之人欲造船者必於各該本縣呈明查實該縣具印結申詳督撫轉飭沿海造船之地方州縣成造仍照例查驗舵水楨楫刊烙號數姓名其違犯之罪名處分皆照商漁船一例遵行。如有不遵例報官私自偷造者失察之州縣汛口各官降一級調用。今改為私租船地方官明知不察者降二級調用失察者罰俸一年以致出洋為匪者降一級留任守口官照失察犯名頂替例分別商船漁船小船處議○五十一年覆准內地往臺灣之人該縣給

發照單如地方官濫給往臺灣照單。經該督撫題參一次者。罰俸六月。二次者。罰俸一年。三次者。降一級留任。四次者。降一級調用。如有良民情願入臺籍居住者。令臺灣府縣查明。出具印文。移付內地府縣。知照該縣申報該道稽查。仍令報明該督撫存案。若臺灣府廳縣官不行查。明以致姦宄叢雜居住。經該督撫查出題參。照隱諱例議處。○又議准姦匪船隻出入海口。若遇失事。將守口官罰俸一年。至盜從外洋竊發。原非守口官所能越汛稽查。遇有失事發覺。答

在分巡委巡將守口官免議。至外洋行劫之後。散黨登岸。混冒入口。守口官失於覺察者。仍照定例罰俸一年。其盜由海口以內。奪船偷越出洋。遇有失事發覺。即將失察守口各官。皆照海洋失事初叅例降一級留任。本案內如有逸盜。勒限一年緝拏。全獲准其開復。限滿不獲。照所降之級調用。若本案已無逸盜。定以三年有能。拏獲別汎姦船。以及本汎並無失事者。皆令該督撫查明具題到日。亦一例准其開復。○五十年。三年覆准。漁船出洋。不許裝載米酒進口。亦不

許裝載貨物。違者嚴加治罪。其守口各官不行盤查者。照失察姦船出入海口例。罰俸一年。○

五十五年覆准。凡內洋失事。專兼各官仍照內

地盜案定例處分。

今改為照內地無墩防處所武職之例。印捕官初參俸升。

二。參罰俸一年。三。參罰俸二年。四。參降一級留任。兼轄統轄官初參罰俸三月。二。參罰俸六月。竿獲及半年未獲盜首。印捕官初參罰俸一年。二。參罰俸二年。初若果係外洋被

劫難定。專汎兼轄應將文職免其處分。儻係內

洋失事。捏稱外洋。後被事主告發。或查出之日

將專兼各官皆照諱盜例處分。既經事主告發

該管督撫若不查明據實揭報題參者。照徇庇

例議處。○五十九年覆准。沿海各省出洋商船。礮械軍器。概行禁止攜帶。如地方官不嚴查禁。止致商船仍行私帶者。照失察烏槍例。罰俸一年。○雍正五年覆准。山東民人往奉天貿易。及奉天民人有過海者。凡船出口入口。該州縣給予印票。將客人姓名貨物。及賣貨地方。同船戶水手姓名。開載票內。守口官驗明。掛號放行。其往奉天傭工人等。該州縣查明姓名年貌籍貫。給予印票。方許航海。俟到卸船地方。守口官驗對印票。年貌相符者。准其入口。回時該地方官

於原領票內鈐印。令其帶回本地方察覈。如貿  
易傭工人等。並無印票。或與票內年貌未符。及  
兵役人等。刁難勒索。守口官自行查出者。免議。  
如有疏縱等情。降二級調用。○七年議准。每年  
沿海各汛。出巡之後。督撫不時密加體訪。儻遇  
洋面失事。文武官弁。如有恐嚇賄囑。不行通報  
情弊。該督撫訪實題參。照諱盜例議處。○又議  
准。拏獲偷渡過臺人。鞫問明從何處開船。將失  
察水汛。及本地文武各官。照失察姦船出入海  
口例。罰俸一年。如文武衙門隱匿不報者。或被



告發或被上司查叅將該管之兼專文武各官  
皆照諱盜例分別議處○八年覆准如有將黃  
金販賣出洋者照鐵貨銅錢等物私出外境下  
海律治罪其督關官口官弁受賄故縱者與犯  
人同罪失於覺察者照律叅處若官弁兵役藉  
端留難抑勒商民者查叅議處分別治罪○九  
年

諭據廣東布政使奏稱鐵器一項所關甚重不許出境  
貨賣律有明禁乃粵東地方出產鐵鍋凡洋船貨買  
向未禁止到任後檢查案冊見雍正七八九年造報

夷船出口冊內。每船所買鐵鍋。少者自一百連。至二三百連不等。多者買至五百連。並有至千連者。按鐵鍋一連。大者二箇。小者四五六箇。每連約重二十斤不等。百連約重二千餘斤。如一船帶至五百連。約重萬斤。帶至千連。約重二萬斤。計算每年出洋之鐵。為數甚多。誠有關繫。請嗣後此項鐵鍋。應照廢鐵之例。一併嚴禁。毋論漢夷船。概不許貨賣出洋。違者該商船戶人等。即照網載廢鐵出洋之例治罪。官役通同徇縱。亦照徇縱廢鐵例議處。凡遇洋船出口。仍交與海關監督。一併稽查。至於商船每日煮食之鍋。仍照

舊置用官役不得藉端勒索滋擾。如此則外洋之鐵不致日積日多。於防姦杜弊之道似有裨益。至煮食器具銅鍋沙鍋皆屬可用。非必盡需鐵鍋。亦無不便外夷之處。於朝廷柔懷遠人之德意原無違礙等語。尺鐵不許出洋。例有明禁。而廣東夷船每年收買鐵鍋甚多。則與出洋之功令不符矣。所奏甚是。嗣後稽查禁止及官員處分商人船戶治罪之處悉照所請行。儻地方官弁視為具文奉行不加。經朕訪聞或別經發覺。定行從重議處。粵東既行查禁。則他省洋船出口之處亦當一體遵行。著該部通行曉諭。永著為

例○十二年覆准商人置貨販洋由本籍地方取結給照其中小本商民請照而往迨從外番貿易回至內地復欲奔回本籍請照程途稍遠勢所不及又有已在本籍請照到廈其報配之船業至滿載欲搭別船因照違礙廢時守候於小商多有不便飭令廈防廳查明此等情節即取具行戶船主保結准其赴廳請給印照前往該廳將給照緣由一面行知該地方官其請照各商仍俟回棹之日赴廳銷單如該廳有蒙混給照令該督撫嚴查題叅將該廳照盤查商船不實

給照例降三級調用。如該廳胥役有勒索等弊。亦令該督撫分別知情失察題參。將該廳照衙役犯贓例分別議處。其該船舵水貨客回權之日。或有在番地因帳目不清。及別項事故者。仍照例取具同鄉鄰船客商水手等甘結報明廈防廳移文該地方官存案。下期回日報銷。又覆准海洋重地非內地可比。該汛地方文武官兵。拏獲偷渡外番十名以上者。專管官紀錄一次。兼轄官毋庸議敘。二十名以上者。專管官紀錄二次。兼轄官紀錄一次。三十名以上者。專管

官加一級。兼轄官紀錄二次。四十名以上者專管官加二級。兼轄官紀錄三次。五十名以上者專管官以應升之官即用。兼轄官加一級。儻不實力稽查。以致疏縱。十名以上者專管官罰俸一年。兼轄官免議。二十名以上者專管官降一級。留任。兼轄官罰俸六月。三十名以上者專管官降二級。留任。兼轄官罰俸一年。四十名以上者專管官降三級。留任。兼轄官降一級。留任。五十名以上者專管官降一級。調用。兼轄官降二級。留任。至官弁兵役。如有徇隱賄縱。該督撫分

別嚴叅治罪。其各官弁有降級留任之案。儻能

別案拏獲。按其拏獲名數抵銷。如三年內並無

過犯稽查嚴密。本汛內果能肅清。令該督撫提

鎮查明保題。准其開復。若有偷渡人犯。希冀開

復。捏飾諱隱。一經發覺。題叅交部議處。今增為照隱匪

己身罪過詳請開復。例。罰休一年。該督撫提鎮不行詳查。混行

保題者。亦交部議處。今增為照不行查明。違請開復。例。罰休六月。○

十三年覆准東省豆船。並無印票。裝運出口。及

有匿票私賣。與原票不符。一經查出。根究明確。

販豆人等。按律分別治罪。該管官不行詳查。致

有偷漏私越情弊。別經發覺。照失察姦船出入海口例。罰俸一年。仍令該督撫不時稽察。如有藉稱給票驗票名色。勒索留難。苦累商民等情。即行指名叅處。○乾隆元年。覆准各處汛口官嚴詰販米出海。如有地棍姦牙。將米穀偷運出口。及在洋接濟姦匪者。該管文武各官。除通同受賄知情故縱。仍照違禁貨物出口律治罪外。如或巡查懈弛。及偷越各處汛口。後經別汛拏獲。審明失察偷運米百石以上。穀二百石以上者。將各該官弁皆降一級留任。米百石以下。穀



二百石以下罰俸一年。米不及十石穀不及二十石者罰俸六月。○又議准船戶貪圖獲利。在沿海地方私攬無照之人。裝載偷渡過臺。該地方文武官弁。失於覺察者。照失察姦船出入海口例議處。如有意隱匿不報。照諱盜例議處。○二年議准過臺商船舵水人等。令原籍州縣官將各該舵水年貌鄉貫填明照中。或因有事別雇就地給單填註。取具船戶行保甘結。汎口各官驗明放行。臺地各官仿照內地設立十家牌。填註實在籍貫人口確數。並作何生理。遇有事

故一例開除。每月出具並無招攬游民結狀。報明所司察覈。如有違礙。一經發覺。將出結船戶人等。照例治罪。不行實力稽查之地方各官。該督撫查明。叅送到印。照失察偷渡例。分別議處。○五年覆准。沿海關汛。所有文武官兵。巡查挂號之處。嚴行飭禁。不許藉端需索。故意留難。如有此等情弊。即行查叅。將守口官兵。照衙役犯贓例。分別議處。如守口官兵。藉端留難。抑勒。苦累商民。別經發覺。將守口官兵。照藉端抑勒例。降二級調用。該督撫提鎮。失於覺察。罰俸一年。

○十三年覆准雜糧麥豆偷運出洋接濟姦匪者其文武官弁失察故縱處分皆照偷運米穀出洋定例處分○十四年覆准商民出洋貨物一應銅器廢銅皆嚴行禁止不許攜帶各洋貨賣如將紅銅黃銅私販各洋貨賣其關汛文武官弁不行按檢查拏知情故縱者皆照出洋漁船夾帶硝磺釘鐵等物汛口之文武官弁革職例革職如係賣放者照例革職治罪若止於失察者降一級調用○十九年覆准各省商漁船在洋除實係搶奪並未劫盜者仍照搶奪辦理

外。如有盜劫之案。混以搶奪具報。希圖規避處分者。將捏報之文武各官。照諱盜為竊例革職。○三十年奏准。近海省分。官紳之子弟家人。私給洋船圖照。違禁犯法。本官知情者革職。不知情者降二級調用。如係豪棍假託聲勢。攀援影射。與本官毫無干涉者。本官免其議處。○又奏准。臺灣一郡。令地方官編排保甲。即於現在居民內。查有人材出眾。實係隨征出格效力者。移取印甘各結。給予外委功加劄付。委為社長。閩社民人。令其約束。統屬地方文武管轄。三年之

內果能約束有方。民番和輯。該管官出具考語。保送拔用。如有作威擾累番民。該管官約束不嚴。降一級調用。儻有冒濫情弊。將該管官照例。依例降三級調用。○又奏准一切廢鐵除內地販賣聽從民便。毋庸禁止外。如有將廢鐵鐵貨潛出外境。令沿海近邊關隘文武員弁立即拏究。照例定擬。儻有徇私故縱。該上司即行題參。照商漁船隻夾帶釘鐵出口例議處。如係內地商民轉相買賣。而地方文武官員以及關津兵弁藉端索詐。一經發覺。仍計贓治罪。○又奏准

各省濱海地方。每船准帶絲斤。俱照各該督撫

奏定額數。無論官商客商。俱不准逾額多帶。江南

官商。每船准帶二三蠶絲一千二百斤。客商准帶。越絲三百斤。浙江福建商船准配土絲一千

斤。二錢粗絲一千斤。廣東洋船准帶二錢粗絲一萬斤。本港洋船准帶粗絲一千斤。細緞

棉絹亦照定額止許奏准之官商。每船照數攜

帶。仍令各該關口文武各官逐層查驗。如有私

販細緞棉絹並於成額之外多帶絲斤。及官商

逾額多帶絲斤細緞棉絹者。每百斤以上。照米

一百石以上出洋之例。將失察之汛口文武各

官降一級留任。不及百斤者罰俸一年。不及十

斤者罰俸六月。三十四年

諭。向來硫磺出入海口。俱有例禁。原因磺斤係火藥所需。自不便令其私販。若姦商以內地硫磺偷載出洋。或外來洋船。私買內地硫磺載歸者。必當實力盤詰治罪。乃定例於洋船進口時。亦不許其私帶。殊屬無謂。海外硫磺運至內地。並無干礙。遇有壓艙所帶。自可隨時收買備用。於軍資亦屬有益。何必於洋船初來。多此一番詰禁乎。嗣後惟於海船出口時。切實稽查。不許仍帶磺斤。以防偷漏之弊。違者照例究治。其各省洋船入口。禁止壓帶硫磺之例。概行停止。著為

例。○三十五年覆准。拏獲偷渡過臺客民。必嚴究沿海陸路。在何邨鎮客店會集。將該處文武員弁。或係知情。或止失察。悉照水汛失察偷渡原例。分別叅處。至沿海陸路文武員弁。能於客店聚集時拏獲。及首報偷渡客民者。雖在本汛。亦照拏獲偷渡。按起獎。若將並非偷渡之人。輒行妄拏。圖功邀賞者。審實即行從重叅處。○三十年覆准。匪船不由汛口沿邊私駕出洋者。將失察之地方官。並守口官降一級留任。如承審官於獲犯時。意存迴護。不將盜匪偷越地方。究



明指出者。將承審官降二級調用。○三十七年  
奏准。內洋失事。文武帶同事主會勘。至外洋失  
事。聽事主於隨風飄泊之處。帶同舵水赴所在  
不拘文武衙門呈報。該衙門即訊明由何處放  
洋。行至被盜處所。約有若干里數。將該事主開  
報賊單。報明該管文武印官。查照洋圖。定為何  
州縣營汛的轄。一面飛關所轄州縣。會營差緝。  
其事主即行省釋。毋庸候勘。並無論內外洋失  
事。總以事主報到三日內出詳。馳遞督撫衙門  
查覈。行查海關各口。將稅簿賊單。互相較覈。有

貨物相符者。即將盜船夥黨姓名呈報關拏。儻守口官并有規避處分。互相推卸。或指使捏報他界者。將推諉之員弁。照申報盜案互相推諉例。降一級調用。關口稽查之員役。如於奉文之後。按照單簿據實查出。飛移所在地方。將盜犯拏獲。免其蓋查不實處分。如於未經奉文之先。有能查出匪船。拏獲稟報者。照拏獲鄰境盜犯例。分別議敘。○又奏准江南小洋山一帶。凡有赴山傭工貿易者。地方官給予印票。守口官弁稽查驗放。並該山舉口六處。每舉官設廠頭一

名。分管約束。仍令該督嚴飭巡洋武弁。並輪巡道府守口員弁。嚴緝稽查。不使稍有偷漏。如仍有無照之人。混迹其間。將疏漏之守口巡山各

員弁。分別叅處。

今增為守口官照漁船盤查不實例。洋二級調用。巡山官照臺

灣失察。逸盜逃遁。該區例。降一級調用。

○又奏准海濱地方城鄉

口岸。漁船會聚之所。均仿照保甲編立字號。於漁船出入。嚴加查察。道員按季親巡。督率府廳逐一稽查。據實揭報。遇有洋面失事之案。除盜犯並非在本處糾夥製械者。仍照向例議處外。其有土著居民。暨流寓匪徒。在該地方糾夥製

械出口行劫者。專管州縣官照編排保甲不實力奉行例降二級調用。未獲盜犯交與接任官嚴行緝拏。兼轄之府廳係同城降一級調用。不同城降一級留任。統轄道員降一級留任。○四十年覆准山東沿海州縣及巡查官失察流民私行渡海別經發覺者一名至十名罰俸一年。十名以上降一級留任。二十名以上降一級調用。○四十二年覆准山東隻身流民前赴奉天積漸成夥。每易為匪作姦嗣後凡有藉稱尋親覓食出口。並無貿易貨物確有憑據者。地方官

概不許給票。如不查明確實。濫行給票放行。以致有私創樵採。並肆行邪教等事。別經發覺。將給票之地方官。照濫行出結例。降二級調用。○四十七年。復准海洋盜案。地方官一有訪聞。立即查勘緝拿。獲犯審確定擬。招解儻拘泥觀望。不即緝拿究治者。將該地方官。照諱盜例革職。○五十一年。復准沿海攬載客貨。有底無蓋小船。應與漁船一體報官驗烙。編號給照。如有將曾經為匪之人。不確切查明。率行驗烙。編號給照。以致復行為匪者。將地方官。照漁船為匪例。

降二級調用。如未經報明地方官未烙編號給

照。私自攬載出口為匪者。將汛口官照盤查不

實例降二級調用。加級俱不准抵銷。今改為如

紀錄不  
准抵銷若雖未為匪或不遵例驗烙編號給照

聽其攬載以及先未為匪給照後在外為匪者

地方官均降一級調用。加級准其抵銷。○五十

三年覆准臺灣每多偷渡不如明設口岸。以便

商民將八里坌對渡五虎口一體開設。令淡水

同知為今改  
為曉就近稽查船隻出入。即行挂驗。如有

藉端需索。將專管官照海關需索故意留難例

降二級調用。兼轄官降一級調用。○五十四年諭。各海島有無建房居住及人數多寡。著各該督撫於歲底具摺奏聞。○嘉慶五年奏准。各海島有無建房居住及人數多寡。該督撫於年終咨報軍機處。由部彙覈具奏。○又奏准。拏獲偷渡過海人犯。問明何處開船。將失察口岸官。無論名數多寡。係攜眷渡臺者。降二級調用。係隻身偷渡者。降一級調用。如口岸各官隱匿不報。照諱盜例分別議處。○又奏准。逸犯逃遣竄入臺灣。經口岸官拏獲。每一名紀錄二次。攜帶妻子脫逃之犯。

全獲者每一次加一級。○又奏准逸犯逃遺藏匿臺灣失察之員弁降一級調用自行拿獲者照汛口官例議敘。○又奏准臺灣流寓有妻室產業良民情願入臺籍居住者令臺灣府縣查明出具印文移明內地原籍府縣申報海道稽察仍令報明該督撫存案其無妻室產業者均逐令過水如有緣事到官犯該徒罪以上及一應姦盜詐僞恃強生事習為游蕩素不安分者不論有無妻室產業一概押令過水分別發落交與原籍管束不許再行越渡如不行遞逐容



留一二者者將該管官罰俸九月。三名以上者罰俸一年。五名以上者降一級留任。十名以上者降一級調用。該管地方官不行查明以致流寓姦宄叢雜居住聚眾滋事者題參革職。其因尋常事件到官罪止杖笞有妻室產業不能遠離者仍免其驅逐。又奏准內洋失事地方官不會同武職赴洋速行會勘者降一級調用。○七年奏准出海貿易船隻分別樑頭丈尺以定攜帶礮械多寡如船戶領換照票時領配礮械者驗明樑頭丈尺專案通詳移令附近營分監

督製造。深鑿某州縣某號船隻姓名。製造年月。工竣由州縣驗給。即於照首蓋用攜帶礮械。戩記及名目件數。沿途驗放。其不願請領礮械之商船。及向給漁照船隻。並採捕小搖等船。遇有船戶領照。將照根隨詳呈送覈驗註冊。如有不能隨時專案詳報。或不將照根隨詳送驗。即將該印官記過一次。並由道員飭提玩違經承責處。以示懲儆。仍飭令於年終將各項給照出海船隻彙造總冊。由道員詳咨。儻該州縣玩不造送。有誤咨部定限。將最後造冊遲延之州縣附

參並嚴飭各地方官及守口員弁遵照定例實力嚴禁沿海居民私造私渡。並於民廠造船處所隨時查察。如有澳甲人等串通私造偷越出口。即行拏究。守口員弁得賄縱放。照例叅處。○又議定漁船出洋。裝載牲酒進口。裝載貨物。守口各官不行盤查。罰俸一年。○道光十二年

諭粵東濱臨大海。通洋水道甚多。現在白鉛停止出洋。誠恐日久疏於防範。以致姦商販運。復有偷漏營私等弊。著該督等嚴飭關津要隘地方各官。隨時認真巡查。遇有私販鉛斤。即照違禁例分別嚴辦。仍於年

終取具關廠各官。並無出洋白鉛切實印結。送部查覈。並酌定稽查章程。報部覈辦。○又

諭。嗣後該督撫提鎮等。務當嚴飭所屬。各按定期巡洋會哨。並責成該管巡道。臨時查察。取結具報。儻各鎮不親赴會哨。立即據實揭叅。如敢扶同捏飾。查出一併叅辦。○十三年

諭。嗣後閩浙督撫提鎮。暨有洋面地方。各督撫提鎮。凡遇有海洋失事。將專汛兼轄統轄統巡總巡分巡委巡隨巡各員弁。均照例按限開叅。勒令緝賊。不得一案祇叅一二人。亦不得積至數案始行開叅。儻仍蹈

前轍。即將該督等交部照規避徇庇例嚴叅議處不貸。○二十五年奏准武職官員巡緝外洋以總兵為統巡副將遊擊為總巡都守為分巡該督撫責令親身出洋毋許推諉冒替遇有失事按其職任依次開送議處如有總兵不能兼顧之處亦於咨內聲明並無統巡字樣以備稽覈如不據實聲明係為該管官開脫處分者將該督撫照題叅屬員聲明失實例議處。

欽定大清會典事例卷一百二十一

吏部

處分例 用刑違式 部院承審事件

用刑違式。○順治十八年議准。凡問刑衙門於獄內用柙牀者。革職。交部治罪。○康熙九年題准。官員將犯人除夾棍拶指之外。別用非刑者。革職。如將婦女用夾棍者。亦革職。該管上司不查實具報者。降二級調用。督撫不行題參者。降一級留任。犯婦有孕。亦不得用拶指。違者降一級調用。該管上司不查實具報者。罰俸一年。督

撫罰俸六月。又官員將旗人擅自夾責者。降一級調用。○又題准。官員將絞罪犯人誤斬者。降二級調用。將應監候秋決正法人犯。即行正法者。降四級調用。如將立決人犯。於停刑之日。違例處決者。罰俸六月。○十一年議准。審問小事。不准用夾棍。內外審事官員。若將應夾案內。罪不至死之人。被夾即死者。罰俸一年。將不應夾訊之人。擅行夾訊者。降一級留任。被夾之人。即死者。降三級調用。恣意疊夾致死者。革職。若有別項情由。照情由議罪。若將不應夾訊之人。回

堂行夾。堂官不行詳慎。輕聽夾訊者。罰俸六月。  
○十四年奏准。官員將監禁重犯。秋審不行解送。或已經解送。道路遲延。以致秋決愆期者。府州縣官降一級調用。司道罰俸一年。督撫罰俸六月。○四十五年覆准。五城副指揮吏目。除逃人盜案。照舊管理外。其一切民詞。非奉御史批發。正印官移行。不得即行准理。動用刑法。儻有擅准民詞。及拘禁濫刑。縱役索詐等弊。照例議處。○雍正七年議准。各省督撫。設立印簿。分發各問刑衙門。將某案某人。因何事用夾刑。及用



刑次數。逐細填註簿內。於年終申繳督撫衙門  
詳查。若有濫用夾棍。及用多報少情弊。查出指  
叅。將濫用夾棍之員。照將不應夾之人行夾例。  
降一級留任。將用多報少之員。照蒙混造冊例。  
降一級調用。○乾隆元年議准。凡內外問刑衙  
門所用刑具。務皆按照定例式樣製造。其在外  
各省州縣。令該管道府。遇赴州縣盤查時。將所  
用刑具。詳加查驗。儻有違例造用者。即詳揭題  
叅。將州縣官照擅用非刑例革職。如道府不行  
詳揭發覺。一併題叅。將道府照不查實具報例。

降二級調用。督撫失於查參。經科道糾參。將督撫照失於覺察例。罰俸一年。如道府已經詳揭。而該督撫徇隱不行參奏者。將督撫照徇情例。降二級調用。在京衙門。如有不遵定例式樣。任意造用者。將用刑官照州縣例。議處。該管官失於查參者。照督撫例。罰俸一年。如該管官明知徇隱不行查參者。亦照徇情例。處分。至強盜及十惡謀殺故殺等重案犯。仍照例用鐵鎖杻錄各三道。其餘鬪毆人命等案罪犯。以及軍流徒罪等犯。皆止用鐵鎖杻錄各一道。笞杖等犯止

用鐵鎖。儻有違例濫用。即行題參。交部議處。○三十年奏准。佐貳微員。審理批發奉委事件。有應夾訊者。係上司批委。詳明上司。改委印官審理。係印官批發者。呈明印官。撤回自行審理。儻該佐貳仍沿舊習。赴原委上司衙門請刑。該上司遽准夾訊者。令該督撫及該管上司嚴查確實。即行揭參。如夾訊之人已經致死者。佐貳官革職。原委上司降三級調用。未經致死者。佐貳官降三級調用。原委上司降一級調用。○又奏准。凡佐貳雜職等官。擅用夾棍拶指等刑。其該

正印官失於稽察者。降二級調用。自行據實詳揭者免議。○又奏准。凡枷號旗下人犯。停其置放本旗門上。令城門尉等詳驗。加封收受。或枷具脫鬆。或封皮拆皺。可以脫出者。將看封之司官。照杖罪人犯。應禁不禁律。罰俸六月。仍將該犯送部枷號。封固發門之後。如有將人犯枷號鬆脫散放。或枷具鬆疏。及封皮拆皺。可以脫出。巡查官員不行查出。照應申上而不申上律。罰俸九月。○又奏准。上司將所屬佐貳官員。遇有事故。不行題參。任意答辱者。降二級調用。答辱

知縣以上官員者降三級調用。○又議准問刑官員用跪鍊等刑者降一級調用。○三十八年

論嗣後除尋常案件仍照定例月日停刑外。其有兇盜逆犯干涉軍機應行立決及當加刑鞫者均即隨時辦理聲明咨部不得拘泥舊例著為令。○四十九年論知縣身膺民社如於所管人役有因私挾忿責處致斃情事自應參奏革職治罪。如事屬因公按法責斃所屬人役該督撫止須奏請交部議處部議時亦不過議以降級留任已足示儆不得遽行革職致啟書役刁惡之漸。○嘉慶五年奏准官員將人犯於滿杖

之外。違例疊責致死者。照擅用非刑例。革職。將無辜之人。杖責致死者。革職。嚴審。上司不查實具報者。降二級調用。督撫不行題參。降一級留任。未致死者。照將不應夾之人行夾例。降一級留任。上司免議。○又奏准。犯婦有孕。不得用拶指。違者。降一級調用。致死者。照另用非刑例議處。○十五年

諭。本日吏部具題議處順天府南路同知竇景燕。於審詳案犯。輒用非刑。照例議以革職等因。一本已照籤批發矣。朕詳閱本內。該部所引例文內。稱官員將人

犯除夾棍拶指之外。另用非刑者革職。跪鍊壓膝等刑者。降一級調用等語。因思內外問刑衙門承審案件。原當虛衷研鞫。不得專事刑求。然遇有狡猾之犯。不供吐實情。承問官既不應遽用刑夾。亦不能不量加懲究。或摘耳跪鍊。或繼以壓膝。藉以得情定讞。尚不致傷其肢體。究非用木架撐執。或懸吊拷蹀。及鍼刺手指等非刑可比也。若承審官審訊各犯。於案情未定之時。既不遽得確情。而一經摘耳壓膝。即例有應得處分。則凡屬問刑各員。竟無不干吏議者。似此名實不符。殊不足以昭平允。所有承審案犯各員非

刑一條。應如何酌中定例之處。著該部詳議具奏。欽此。遵。

旨議定。問刑官員。除刑部例載刑具之外。另用木架拷  
鑿。鐵刺。以及小夾棍。大棒。棰。連根帶鬚竹板。聯  
枷等項。非刑。並例所不及。賅載。任意私設者。照  
例革職。如將婦人用夾棍者。亦革職。該管上司  
不察實具報者。降二級調用。督撫不行題參。降  
一級留任。其承審命盜搶竊及一切要案。如實  
係有罪之人。證據明確。犯供狡展。或用摘耳跪  
鍊。壓膝等刑者。免其置議。如係案內干連人犯。



及無辜之人。妄被扳指。承問官不能虛衷研鞫。輒用擗耳跪鍊壓膝等項刑求者。仍照向例降一級調用。或審理尋常案犯。率用擗耳跪鍊壓膝等刑。亦降一級調用。如將孕婦用拶指者。亦降一級調用。該管上司不察實具報者。罰俸一年。督撫罰俸六月。因而致死者。照擅用非刑例議處。○光緒十二年奏定。官員將應斬人犯誤行處絞者。降一級調用。係屬失出。有加級紀錄。准其抵銷。將應絞人犯誤行處斬者。降二級調用。將應斬絞監候人犯。誤行立決者。降四級調

用。係失入。雖有加級紀錄。俱不准其抵銷。如斬絞人犯錯決。至二名者革職。

部院承審事件。○順治初年議定。凡刑部現審案內。如係杖枷等罪。限十日完結。發遣軍犯等罪。應入彙題者。限二十日完結。命盜等案。應會同三法司審理者。限三十日完結。如案內有應行提質人犯。准以傳提到案之日扣限。若正犯患病。准以病愈之日扣限。儻該司官任意因循。或三法司官員不即會審。以致逾限。其承審司官。及會審遲延之員。令該堂官查明。分別交部

照例議處。再現審案件。審結之日。除應行監禁人犯。照例監禁外。餘皆即行發落。儻遲延不行發落。以致人犯淹禁。書役作弊者。除書役照例治罪外。承審之司官。亦交部議處。○康熙三十二年議准。凡行提控告案內人犯。咨行八旗並總管內務府行提。於文到之日。即行送部。若越二日不行送部者。將該管官交部議處。若行提莊屯居住人等。及行直隸府州縣等處提人者。每日定限五十里。以文到五日內起解。若不照限申解。將該管官題參。或有別故。詳開報部。其

到部事件。在京城地內者。限一月審結。在外者。以被證到齊日為始。限一月審結。如有內外移咨詢問者。以回文到日為始。若刑部司官將應速結案件。不行完結。故意推諉遲延者。堂官指名題叅。交部議處。○雍正元年議准。凡現審事件。其人文送部。毋須又提犯證者。限十日內說堂完結。其提人質審。四五日內到部。毋庸會審者。限半月內說堂完結。若必須提人質審。並三法司會審。仍照定例一月限內完結。○又覆准五城司坊案件。隨到隨審。定限五日內完結。詳

報其巡城案件。扣限十日內完結。造冊送都察院查覈註銷。若不每日進署。將案件叢積遲延。不於限內完結。照

欽部事件遲延例分別議處。或有縱容衙役混行訛詐等事。一經查出。或被受害人首告。照衙役犯贓例。分別議處。○又奏准。司坊官職守人命案件。指揮管理竊盜案件。副指揮吏目。按地分理。遇有屍親事主稟報者。該司官即行收受。一面報該城一面親往相驗踏勘。其本案人犯即行拏審解院。不得遲延時刻。如有推諉遲延。以致

賊犯潛逃。及藉端滋事。挖累平民等弊。即將該司坊官照例叅處。其逃人土倡。亦責令該坊官按地分查。一經告發。准其收受緝拏。○又奏准賭博打架。係議明司坊官應管之事。嗣後五城御史。及該司坊官所屬地方。有毆賭等事。固宜隨拏隨審。即別城隔屬。途行夜宿。但遇酗酒罵街。口角打架。開場賭錢。小絡竊物等事。隨見隨拏。移交該管衙門審理。不得以地非所屬。過而不問。至民間一切詞訟。仍遵定例。不許擅受。皆歸該城御史衙門審理。○五年議准。前三門內

五城分管地方。除相驗人命。及鬪毆活傷驗報。不實等案。仍將該管之各司坊官照例叅處外。其賭博逃盜等案。均免司坊官失察處分。○七年議准。戶部八旗司。審理旗民房地家產主僕爭告之案。亦照刑部現審之例。限一月內完結。如限內不完。將承審官員照

欵件違限例議處。如有提人移訊之處。俟人文到日扣限。○又議准。凡

朝審。九卿詹事科道。務必每日到班。若有要緊公事。及偶有疾病不能到班者。豫行知會。將該員

未到會審之省分事件。不必列名。每遇審期。都察院委滿漢御史各一人稽察。有無故不到者。指名題參。照推諉事件例。罰俸一年。○八年

諭。兩三處衙門會議會審之案。若一處曾經行催。而他處尚不辦理。即着行催之衙門具摺奏聞。將來遲誤處分之時。免其議處。儻曾經行催而未奏聞者。日後因遲延議處。仍將該衙門一併交議。儻奏聞之後。以為既經具奏。此後遲延。與己無涉。以致事件仍復耽閣者。亦將該衙門一併議處。著通行各旗各部院衙門知之。○十三年奏准刑部。凡有題咨案件。其細小



事情駁正者。毋庸置議。如各省將應擬重罪人犯。竟令脫網。或無辜之人。羅織擬罪。刑部司官細心查覈。駁行覆審。果得實情者。於呈堂行文之時。即將定稿。司官註冊。俟改正後。於每年十二月。具題。交部議敘。每一案。紀錄二次。○乾隆四年。奏准。凡旗人爭控。戶口田房等事。於各該旗具呈。該旗查明冊籍。訊明證佐。出具印甘各結。將人文咨送戶部。詳審定擬完結。如旗人控告民人者。令於各該旗具呈。民人控告旗人者。令於各該地方官處具呈。該管官取具原告確

供。並出具印甘各結。轉詳咨送戶部。轉行被告之該管官。秉公取具被告確供。亦令出具印甘各結。轉詳咨部。戶部詳覈兩造確供。分別曲直。斷理完結。如兩造匿情不吐。礙難斷理者。即行提審。會同刑部。嚴訊定議。其中或因地畝界址不清。必須兩造親身履畝。互相勘對。再將旗人押發州縣。令該地方官會同該理事廳。審明報部完結。以上控告戶口田房等事。文移往返八旗咨文。定限於一月內覆部。直隸咨文。定限於兩月內覆部。如有逾限之處。戶部取其職名咨

送吏部兵部覈參照

欽部事件遲延例議處如該管官有抑勒徇隱等弊許受屈之人據實聲明赴部控告戶部會同刑部嚴提審訊或係該管官有意抑勒贍徇抑或扶同依附之處查明參奏將有意抑勒贍徇及扶同依附之員皆照會審事件偏袒不公例降二級調用若並無冤抑妄行控告者按其所誣情節交送刑部治罪○十八年

諭刑部指駁案情必有首先立議之人因思吏部司官向因議處之案較多別部僅將承辦之滿漢司官各

一人開送議處。此雖非正例。然以吏部議罰。可以通刑部議敘。其於考課之法。方為平允。嗣後刑部各司。遇有因題駁議敘者。著照此旨行。○三十年奏准。各司審理案件。如有應提之人。回堂提取。審明後。將應行監禁人犯。喚同司獄回堂收禁。餘俱即行發落。應釋放者。回堂釋放。儻有遲延不行發落釋放。以致人犯淹禁者。照淹禁律。按日議處。過三日答二十。每三日加一等。罪止杖六七。若有擅行提禁釋放。竟不回堂者。將司員並司獄俱照應申上而不申上律議處。答四。○又奏准。提審事件。凡咨行內

外衙門有催丈三次全無回文者刑部題參。照  
事件遲延例議處。○又奏准戶部八旗司改為  
現審處。○又奏准八旗有將伊祖父時或係養  
子。或係分戶年久之人子孫復行混告者該部  
題參。係官革職。如有訛詐逼勒等情被害人告  
發審實者照嚇詐律治罪。○又奏准八旗有將  
家人為養子分戶開戶之人年久值伊原主之  
子孫庸懦或至絕嗣伊等自稱原為養子或誆  
稱近族兄長反行欺壓希圖占產爭告者審明  
係官革職治罪。將養子分戶開戶之檔銷毀。仍

給予原主子孫為奴。○又奏准法司凡遇一應稱冤及查出案內冤枉情節。並情罪有可矜疑者。即與辯理。具奏發落。毋拘成案。若明知冤枉。不與辯理者。以故入人罪論。○又奏准刑部辦理各督撫咨題案件。所引律例。罪無出入。司官妄行苛駁。致有出入者。刑部堂官隨時查明參奏。請

旨交與吏部。將主稿官照失出入例。分別議處。隨同畫稿官。減等議處。○三十四年奏准刑部司官駁正案件。原定議敘紀錄二次之處。改為紀

錄一次。○嘉慶四年奏准刑部覈覆外省各項罪名。未經詳查。駁令改擬。司官罰俸一年。堂官罰俸六月。○五年議准刑部現審案件。審結之日。應行發落人犯。遲延不行發落。以致人犯淹禁。書役作弊者。除書役照例治罪外。承審司官。照失察書役犯贓舞弊例。分別議處。○又奏准刑部司官將應速結案件。不行完結。堂官指名題參。交部議處。逾限十日以上者。照州縣官逾限不及一月例。罰俸三月。二十日以上者。照州縣官逾限一月以上例。罰俸一年。三十日以上

者。照州縣官五月七月以上例。降一級留任。兩  
月以上者。照州縣官逾限二參例革職。○道光  
十年

諭。嗣後在京衙門承審事件。限一箇月完結。刑部現審  
事件。杖責等罪。限十日完結。發遣軍流等罪。應入彙  
題者。限二十日完結。命盜等案。應會三法司者。限一  
箇月完結。其鬪毆殺傷之犯。到案後以傷經平復。及  
因傷身死之日為始。行查及提質並案犯患病。以查  
覆及提到並病愈之日為始。接審者以接審之日為  
始。仍將應行扣限及三法司會審日期。並於科道衙



門註銷內聲明。儻司員因循。或法司不即會審。以致逾限。承審司員及會審遲延之堂司官。一併交部分別議處。內外移咨行查。如催文三次無回文者。照例題叅。行文八旗內務府五城順天府提人。於文到三日內無故不行送部者。亦照例叅處。並著該衙門纂入則例。永遠遵行。○十二年

論嗣後順天府衙門現審咨文案件。有關罪名者。註明收審日月。及已完未完。月終具奏一次。交吏科京畿道逐件覈對。按限詳查。若有應行扣限於月摺內註明。儻無故遲延。即據實覈叅。其餘無罪可科之案。免

其列入月摺。該府尹等嚴飭承審之員。隨到隨結。如有逾限者。立即查取職名。送部叵議。至該衙門遇有咨查各旗冊檔。及傳質人證之件。著照戶部現在奏定章程。於接准咨文之日起。限半箇月咨覆。如仍任意遲延。致逾定限。即將該旗指參。照例議處。○十五

年

諭嗣後該省遇有咨查冊檔之案。著統以准到部覆之日為始。起扣承審委審限期。其現審八旗地畝。必須勘丈之案。並以勘定之日為始。再行起限。仍先咨明戶部暨都察院查照。該督務當嚴行督催。依限訊斷。

僕稍涉遷延。即行照例參處。○又奏定勘丈八旗地畝。俱照勘丈八官地畝例限。千畝以上限三月。百畝以上限兩月。百畝以下限一月。繪圖詳報。即於勘竣之日起。扣承審限期。仍將何日起勘。何日勘竣。隨文聲敘。以憑查覈。其實有一時難以勘丈之處。俱令先期分別咨報。酌請展緩。其展緩之期。不得過三箇月。如有遲延。即行照例查參。